

類

焦

類雋卷第六

勾吳鹿舟鄭若庸纂輯

山東按察司副使古虞百樓鍾

穀

校閱

戶部陝西司主事西蜀少川王用楨

戶部福建司主事古粵礪山鍾

昌

工部營繕司員外四明夢韓張大器

同閱

臨清州知州古完呂珩

校正

太學生汪琪校梓

地理類

水

**陰氣** 淮南子云積陰之氣爲水 **積陰** 又云積陰

之氣寒者爲水 **游至** 易云水游至 **太陰** 五行志

云水太陰之氣 **一陽** 洪範疏云十一月冬至冬

水也以一陽生爲水類 **潤下** 書云水曰潤下漢

書云坎爲水位在北方終藏萬歲十二月咸得

其氣則水得其性此謂潤下 **冬氣** 五行志云水

主冬氣 **五行** 洪範一五行一曰水 **六府** 書云六

府水火金木土穀 **聖善** 老子云上善若水 **性清**

又云水性欲清 **靜鑑** 列子云人而求鑑於靜水

人不鑑於派波而必鑑於靜水者以靜能清也

**折衷**

荀子云夫水其萬折也必東

**淮渠**

尚書大

傳云非水無以准萬里之平非水無以通道任重也

**潤物**

易云潤萬物者莫潤乎水

**靜明**

莊子

云水靜則明水濁則混水靜猶明而况精神聖人之心靜乎

**乘柔**

淮南子云水之性循勢而行乘衰而流衰下也

**至柔**

老子云水天下之至柔

馳騁天下之至剛

**不雜**

莊子云水之性不雜則

清莫動則平

**成泉**

孫卿子云積水成泉吞舟之

魚生焉

**乘坎**

漢書魏相傳云顓帝乘坎執權司

冬註水爲智智者謀謀者重故爲權

**玄冥**

禮記

云其帝顓帝其神玄冥註此黑精之精水官之

神也

**血氣**

管子云水者地之血氣如筋脉之通

流者也

**流濕**

易云水流濕火就燥

**包幕**

春秋元

命苞云水者天地之包幕五行之始焉

**緣理**

韓

詩外傳云夫水者緣理而行不遺小似有智者

重而下似有禮者蹈深不疑似有勇者彰防而

清似知命者歷險知遠似有德者天地以成群

物以生國家以寧萬事以平此智者所以樂於  
水也**清滌**禮記云水曰清滌**紀官**左傳云共工  
氏以水紀官故爲水師而水名**鏡人**墨子云君  
子不鏡於水而鏡於人鏡於水可見其容鏡於  
人乃知吉凶**不毀**淮南子云夫光可見而不可  
握水可循而不可毀**懦弱**左傳云水懦弱民狎  
而翫之則多死**淪池**詩云河水清且漣漪又清  
且淪漪**成淵**荀子云積水成淵蛟龍生焉**負舟**  
莊子云水積也不厚則其負大舟無力**一乃**中

庸云今夫水一勺之多及其不測鼃鼉蛟龍魚

鱉生焉貨財殖焉

**載舟**

荀子云水能載舟亦能

覆舟

**沫游**

詩云就其深矣方之舟之就其淺矣

沫之游之

**樂饑**

詩云泌之洋洋可以樂饑

**沿泝**

尚書傳云順流而下曰沿詩注逆流而上曰泝

**四德**

尸子云水有四德沐浴群生通流萬物仁

也揚清激濁滂去滓穢義也柔而難犯弱而難

勝勇也道江蹏河惡盈流謙智也

**沉氣**

國語云

水無沉氣

**沉澤**

周禮云雍氏禁沉澤謂毒水蟲

也。俾。書云堯曰湯湯洪水方割有能俾。又註

又理也有能理水將使之。蓄。周禮云稻人以

蓄畜水以防止水。敷。詩曰洪水茫茫禹敷下

土。行。桓寬云水積而成江海行積而成君子

方折。尸子云凡水其方折者有玉其圓折者有

珠清水有黃金。積。淮南子云往古之時九州

裂水浩漾而不息於是女媧積蘆灰以止滔水

類。淮南子云土地各以類生人是故清水音

小濁水音大湍水人輕遲水人重。澗。詩云澗

酌彼行潦挹彼注茲註洄遠也挹之於彼注之

於此**流惡**左傳云有汾澮以流其惡**穿石**淮南

子云水之爲物擊之無創射之不傷斬之不斷

焚之不然利穿金石功濟天下**淡成**禮云君子

之接淡如水小人之接井如醴君子淡以成小

人井以壞**坳堂**莊子云水之積也不厚則其負

大舟也無力覆杯水於坳堂之上則芥爲之舟

置杯焉則膠水淺而舟大也**下令**管子云錯國

於不傾之地下令於流水之源**澄綠**杜陽編云

滄州山下出澄綠水其泉一百步亦謂之流綠  
渠投之金石終不沉沒**連甕**漢高本紀云管猶  
居高屋之上建甕水也**歸壑**禮記云蜡之祭水  
歸其壑**司水**曲禮云天子之六府曰司水注司  
水川衡也**襄陵**書云湯湯洪水方割蕩蕩懷山  
襄陵浩浩滔天**投石**運命論云以水投石莫之  
受也以石投水莫之逆也**合窳**山海經云刺山  
有獸焉名曰合窳見則天下大水其上有水甚  
寒而清帝臺之漿水也**懸流**莊子云孔子觀於

呂梁懸水三十仞流沫四十里黿鼉魚鱉不能游見一丈夫游之與齋俱入與汨偕出**神澤**列子云禹治水土迷之一國無風雨霧露不生鳥獸有山名壺領頂有口若圓環名曰蒺穴有水湧出名曰神瀆臭過椒蘭味過醪醴**紫涅**隴右記云武都紫水有涅其色紫而粘貢之用封璽書故詔誥有紫涅之說**方諸**淮南子云方諸見月則津而爲水又萬畢術曰方諸取水注曰方諸形若括無耳以五石合治之十二月壬子夜

半作之以承月水即來也

**水名**

爾雅云水中可

居者曰洲亦曰渚小洲曰渚小渚曰汜小汜曰  
坻又小汜曰磧水邊階垂曰涯曰畔曰干曰濟  
曰濱涯上下坦曰滄一曰隤重涯曰岸岸上地  
曰澇曲涯曰澳曰隈水草交曰湄增水邊土人  
所止曰澨水曲曰汭水北曰陽水南曰陰水出  
山石間曰澗山夾水曰澗水注川曰谿曰谷水  
通谷曰壑石絕水曰梁築土遏水曰埗曰隄曰  
防大防曰墳水所鍾曰澤廣澤曰衍澤曲曰臯

障曰陂澤無水有草木曰藪水通流曰川水本  
曰源又曰原泉泉正出曰濫泉側出曰汎泉泉  
所出同所歸異曰肥泉異出同流曰澆深水曰  
湮急水曰流砂石上曰瀨曰湍曰灘曰磧水別  
流曰派大水有小口別通曰浦風吹水涌曰波  
曰浪大波曰濤小波曰淪平波曰瀾直波曰徑  
水朝夕而至曰潮風行水成文曰漣水波如錦  
文曰漪水行曰涉逆流而上曰泝洄順流而下  
曰泝游亦曰泝流絕流而度曰亂以衣涉水曰

厲繇膝以下曰揭繇膝以上曰涉渡水處曰津  
潛行水下曰沫已上附釋名說文**水數**唐六典  
云凡天下之水泉三億三萬三千五百一十有  
九其在遐荒絕域殆不可得而知矣**九淵**列子  
云鯢旋之潘爲淵上水流水濫水沃水洸水雍  
水汧水肥水之潘皆爲淵是爲九淵註潘作蟠  
水之盤回處**八流**博物志云有八流水出名山  
渭出烏鼠漢出蟠冢洛出熊耳潁出少室汝出  
燕泉泗出陪尾淄出月台沂出太山**馮夷**山海

經云中極之淵深三百仞水夷都焉水夷人面而乘龍穆天子傳云天子西征至于陽紆之山河伯無夷之所都蓋水夷無夷即馮夷也淮南子又作馮遲抱朴子曰馮夷以八月上庚日渡河溺死天帝署爲河伯昔夏禹觀河見長人魚身曰吾河精豈河伯耶

**天吳**

山海經云天吳人

面八首八足亦曰水伯

**陽侯**

博物志云陽國侯

溺水因爲海神故名陽侯

**靈胥**

博物志云吳相

伍子胥爲吳王夫差所殺浮之於江遂爲濤神

**射工**

左傳云莊公十八年有蜮能含沙射人影

又博物志云江南山谿中有射工虫長二三寸

口中有弩形氣射人不治則殺人

**鱗堙**

書云鱗

堙洪水堙塞也

**河精**

拾遺記云鯀治水九載無

績自沉羽淵化為玄熊號為河精

**田出**

呂氏春

秋云有侏氏女採桑得嬰兒于空桑之中獻之

於君命庖人養之且云其母伊水之上嘗夢神

告之曰白出水而東走毋明日視白果出水告

其隣東走十里而故邑盡為水身因化為空桑

故命之伊尹

**轍鮒**

莊子云貸粟於監河侯侯曰

我將得邑金貸子三百金可乎周曰昨見中道而呼者周顧視車轍中有鮒魚焉曰東海之波臣也若豈有斗升之水活我哉周曰我且南遊說吳楚之王激西江之水而迎子可乎魚曰吾得斗升之水即活耳君乃言此曾不如早索我於枯魚之肆

**一瓢**

仲尼云賢哉回也一簞食一

瓢飲不改其樂子曰飯蔬食飲水曲肱而枕之

樂亦在其中矣

**兒化**

搜神記云漢末零陵太守

有女悅門下書佐使婢取其盥手水飲之而有  
娠既而生子能行太守抱兒使求其父兒直上  
書佐滕書佐推之兒仆地爲水

**鄭白**

漢書溝洫

志云鄭國韓之水工韓欲疲秦無令東伐乃使  
國間說秦令鑿涇水自中山西抵瓠口爲渠以  
溉田禾既而詐覺秦欲殺國國曰臣爲韓延數  
歲之命爲秦建萬世之功遂成之名鄭國渠又  
漢太始二年趙大夫白公復奏穿秦渠傍引涇  
水注渭名曰白渠民歌曰田於何所池陽谷口

鄭園在前白渠起後舉鍾爲雲決渠爲雨涇水  
一石其泥數斗且溉且糞長我禾黍衣食京師  
億萬之口

**化益**

古今注云漢安帝延平中河東

水化爲血元初中潁川襄城水化爲血不流

**瓠**

**子**

漢書云洪河決瓠帝親自塞乃爲瓠子之歌

又云河內決瓠子令將軍以下負薪塞之

**爲魚**

趙孟云微禹吾其爲魚乎

**懸釜**

史云韓魏圍晉

陽決晉水灌城民皆巢居懸釜而炊

**沉犀**

史云

蜀郡水災太守李冰刻石爲犀沉於江以厭洪

水水乃止**酌水**後周趙軌傳云軌爲齊州別駕入朝父老送者曰公清如水請酌一盃水奉饑軌受飲之**水薤**龐參傳云參爲漢陽太守郡人任業者參先候之棠不與言但以水一盃薤一本置屏前參思其微旨曰水欲吾清薤欲吾擊強宗**豆骨**華陽國志云朱倉少受學於蜀郡豆屑飲水同業等憐其貧給米倉終不受**籠泉**續述征記云梁鄒城西有籠泉云齊孝婦誠感神明泉發於室潛以績籠覆之自是不出負汲人

惟之入室試發籠而泉遂噴涌流漂居宇故名  
籠泉 **門** 淮南子云歷陽有老嫗常行仁義有  
過之者謂曰此當沒爲湖視東城門有血便走  
上山勿反顧也自此嫗數往視門門吏問之嫗  
對如其言吏殺雞以血塗門明日嫗早往視門  
有血便走上山歷陽遂沒爲湖 **水影** 唐五行志  
云大曆末深州東鹿縣有水影長七八尺遙望  
見人馬往來如在水中及至前則不見 **懷珠** 陸  
士衡云水懷珠而行媚 **用玄** 王彪之云寂閑居

以遠詠記上善以奇言誠有無而大觀鑒希微  
於清泉泉清恬以夷淡體君有而用玄渾無心  
以動寂不凝滯於方回湛幽邃以納汚泯虛柔  
以勝堅或恣浪於無外或織入於無間故能委  
輸而作四海決導而流百川承液而生雲雨涌  
凝而爲甘泉

**長麻**

梁劉孝綽云川平落日迥落

照滿川長復在淪波地派別引沮漳耿耿流長  
脉熠熠動輕光臨流目多羨况此還故鄉榜人  
夜理楫權女聞成裝欲待春江曙爭塗向洛陽

**圓文**

沈君攸云開筵臨桂水攜手望桃源花落

圓文出風急細流翻光浮動岸影浪息累沙痕

滄波自可悅濯纓何用論

**玉津**

釋慧標云曾添

踈勒井經涌貳師營玉津花色亮銀溪磧影明

舟如空裏汎人似鏡中行持符上善利得動

高情

**拂鏡**

孫登云號泉紫闕映珠浦碧沙沉岸

閣蓮香遠流清雲影深風潭如拂鏡山溜似調

琴請君看皎潔知有淡然心

**寫鴈**

李巨仁云白

水溢方塘森森素波揚疊浪搖鳧影漣漪寫鴈

行長堤探色翠夾岸荇花黃觀魚自有樂何必  
在濠梁**五潢**張文琮云標名資上善流派表靈  
長地圖羅四瀆天文載五潢方派含玉潤圓折  
動珠光獨有蒙困吏拔偃玩濠梁

海

**歸墟**

列子云渤海之東有大壑焉實惟無底之

谷名曰歸墟八紘九野之水天漢之流莫不注  
之而無增無減焉**委輸**木玄虛云於廓靈海百  
川委輸**地紀**文選云地以四海爲紀**不滯**莊子

云夫人壑之爲物也注焉而不滯酌焉而不竭

**天臺**

山海經云大荒中有山曰天臺游水入焉

**善下**

老子云江海所以能爲百谷王者以其善

**下引穢**

釋名云海晦也主引穢濁其水黑而晦

**地中**

博物志云天地四方皆海水相通地在其

中蓋無幾也

**爲壑**

孟軻云禹以四海爲壑

**尾閭**

莊子云萬川歸之不知何時止而不盈尾閭泄

之不知何時已而不虛

**川學**

揚子云百川學海

而至于海

**沃焦**

莊子疏云沃焦山在碧海之東

有石闊四萬里厚四萬里居百川之下又名尾  
閭山海經云堯時十日並出堯使羿射九日落  
爲沃焦**天壑**木玄虛云南滄朱崖北泆天壑東  
濱折木西薄青徐注爾雅曰折木謂之天津**積**  
**流**孫卿子云不積跬步無以至千里不積小流  
無以至江海**壅**書曰予決九川距四海濬畎  
會距川注距至也通之至海**避礙**揚子云未覩  
禹之行水歟一東一北行之無礙也水避礙則  
通于海**朝宗**詩云沔彼流水朝宗于海注喻諸

侯朝天子亦猶是也。無岸木玄虛云激濟漱澗

浮天無岸。滄溟南越志云海安縣有小水南注

于海極目滄溟渺望洪波。天池莊子云窮髮之

北有溟海者天池也。成天文子云善爲君者法

海以象其大注下以成其廣。海名說文云七戎

六蠻九夷八狄形類不同總而言之謂之四海

言皆近於海也四海之外皆復有海云案東海

之別有渤海故東海共稱渤海又通謂之滄海

博物志云滄海之中有蓬萊方丈瀛洲三神山

金銀為宮闕，僊人所集。列子稱渤海之東有壑，名曰歸墟。又博物志云：滄海中有岱嶼，負嶠方壺瀛洲蓬萊五山。又十洲記云：東海之別，又有溟海、負海、山海。經云：有岐海、幼海、少海。又云：既閩皆在岐海中。又云：無臯之山，南望幼海。郭又博物志云：南海大海也。別有漲海，又謝承後漢書云：交趾七郡貢獻皆從漲海出入。又外國雜傳云：大秦西南漲海中可七八百里，到珊瑚洲。西海大海之東，小水名海者，則有滿昌海、蒲類。

海青海鹿渾海潭彌海陽池海又按北海大海  
之別有瀚海瀚海之南小水名海者則有渤鞮  
海伊連海私渠海漢書霍去病伐匈奴北至瀚  
海後漢竇憲伐匈奴至渤鞮海郭義恭廣志曰  
匈奴中北有伊連海後漢梁諷說北單于單于  
喜即將人衆興諷俱還到私渠海

**鹽澤**

漢書云

蒲昌海一名鹽澤廣袤三百里其水淳冬夏不  
減皆以潛行地下尚出積石只郭義恭廣志云  
蒲類海在西域東北竇因擊伊晉戰於蒲類海

中**青海**

十洲記云允吾縣西有卑禾羗海代謂

之**青海****紫海**

九域志云南昌國有水色如爛樵

可以染衣其龍魚龜鱉砂石草木無不紫

**禪海**

廣志云凡四海通謂之禪海禪海外復有大瀛

海環之**碧色**

十洲記云東有碧海水不鹹苦正

作碧色**蓬萊**

山海經云扶桑在碧海之中有大

帝空太真東王所居有蓬萊山周迴五十里外

有負海繞山其海水色正黑謂之溟海無風而

洪波百丈惟飛仙能到**蜃樓**

漢書云海旁有蜃

氣成樓臺又沈括云登州海中時有雲氣如宮  
室臺觀人物車馬歷歷可見謂之海市歐公使  
河朔過高唐縣夜有鬼神自空中過人馬之聲  
可辨父老云二十年前晝過亦彷彿見人物謂  
之海市樽桑十洲記云樽桑植於碧津飯室木  
玄虛云天深水惟鮫人之室陰火木玄虛云陽  
水不台陰火潛然彗墜淮南子云彗星墜而渤  
海決珊瑚外國傳云大食西南漲海中可八百  
里到珊瑚洲洲底有盤石珊瑚生其上人以錢

網取之

**聚窟**

十洲記云聚窟洲在西海中有大

樹與楓木相似其芳香數百里間名反魂樹也

**拘墟**

莊子云井蛙不可語於游者拘於墟也夏

蟲不可以語於冰者篤於時也曲士不可以語

於道者束於教也天下之水莫大於海萬川歸

之不知何時止而不盈尾閭泄之不知何時已

而不虛

**瓊田**

十洲記云祖洲東海中地方五百

里上有不死草生瓊田中草似菘苗人已死者

以草覆之皆活

**海潤**

公羊傳云海潤千里潤注云

海出雲雨及千里也

**重潤**

古今註云明帝爲天

子樂人作歌詩曰海重潤言天子之德霑潤如

海太子皆比德故云重也

**儵忽**

莊子云南海之

帝爲儵北海之帝爲忽中央之帝爲混沌儵與  
忽時相與遇於渾沌之所曰人皆有七竅以視  
聽食息此獨無有常試鑿一竅七日而渾沌死

**海若**

風俗通云海曰百谷王海神曰海若海一

云朝夕池一云天池亦曰大壑巨壑

**十洲**

東方

朔十洲記云祖洲瀛洲玄洲炎洲長洲元洲鳳

麟洲聚窟洲流洲生洲共生洲瀛洲在東海炎  
洲在南海鳳麟洲聚窟洲皆在西海元洲玄洲  
在北海已上凡十洲也**扶桑**十洲記云扶桑在  
碧海中國長數千丈一千餘圍兩幹同根更相  
依倚是以名扶桑**柔金**張渤吳錄云象林海中  
有小洲生柔金自北南行三十里有西屬國人  
自稱漢子孫有銅柱云漢之疆場之表**天吳**山  
海經云朝陽之谷神曰天吳是爲水伯其爲獸  
也十八尾八首人面八足也木玄虛云天吳乍

見而鬻鬚**先河**禮記云三王之祭川也先河而

後海**封禪**南部新書云天寶十載始封四海神

爲王**乘桴**孔子云道不行乘桴浮于海從我者

其由與**波溢**韓詩外傳云周成王時有越裳氏

重三譯而朝曰吾受命國之黃髮曰久矣天之

不迅風雨海之不波溢也三年於茲矣意者中

國有聖人乎蓋往朝之**忘歸**說苑云齊景公游

海上六月不歸曰有先言歸者死顏燭進曰君

樂治海不樂治國彼若有治國者君安得樂此

海乎遂歸中道聞國人謀將不內之**波臣**莊子

云周顧視車轍有鮒魚焉曰我東海之波臣也

君豈有斗升之水活我哉**鬪海**史記云田單屠

聊城欲爵魯仲仲連逃於海上曰吾與富貴而

屈於人寧貧賤而輕意肆志焉寧蹈東海而死

**鞭石**三齊畧云秦始皇作石橋於海上欲過海

觀日出處有神人驅石石去不速神人鞭之皆

流血今石橋猶赤色**入海**漢書云高祖五年田

橫懼亡入海上遣使赦橫**負石**漢書鄒陽云申

屠狄蹈雍之河徐衍負石入海不容於世

**徐衍**

高士傳云姜肱十辟公府九舉有道皆不就靈  
帝時曹節白帝微眩眩隱身避命浮桴入海

**呵**

**朱**

謝成後漢書云汝南陳茂嘗爲交趾別駕刺

使周敞涉海遇風舡欲覆沒茂按劍呵罵水神

風即止息

**煮石**

晉書云鮑靚爲南海太守嘗行

部入海遇風饑甚取白石煮食之以濟

**海冰**

正

隱晉書云慕容晃上言曰臣躬征平郭遠假陸

下之威將士效命精誠感靈海爲結冰凌行海

中三百餘里臣自至國及問諸故老初無海水  
冰凍之歲**出素**齊書云張融作海賦文詞詭激  
以示鎮軍將軍徐凱之凱之曰公此賦實超玄  
虛但恨不道鹽雨融即求筆注曰漉沙搗白熬  
波出素積雪中春飛霜暑路**巨鮪**夷堅志云趙  
鼎自雷州浮海適朱厓中流遙見紅旆相逐不  
斷舟人愁怖無地被髮持刃自剗其舌以血滴  
水中戒舟中人閉目經兩時頃乃相呼曰更生  
更生蓋巨鮪也**洄湫**左思云百川派別歸海而

會潮波泪起洄狀萬里

**不測**

王粲云登陰隅以

東望兮覽滄海之體勢吐星出日天與水際其

深不測其廣無外尋之溟池不見涯洩章亥所

不極盧敖所不屆

**蕩雲**

木玄虛云灌淞濩涓蕩

雲沃日

**坎德**

梁簡文帝云坎德存臻水源深博

灌注百川控清引濁始平濫觴委輸大壑測之

渺而無際望之杳而綿漠

**駕龜**

江文通云方

將駕龜鼉以爲梁巡海右以送目

**如岸**

隋煬帝

云碧海雖欣賜金臺空有聞遠水翻如岸遙山

倒似雲斷濤還共合連浪或時分馴鷗舊可狎  
卉木足爲群方知小姑射誰復語臨汾  
**溟漲**隋  
虞茂云清蹕臨溟漲巨海望滄滄十洲雲霧遠  
三山波浪高長瀾疑谷日連島類奔濤神遊藐  
姑射睿藻冠風騷徒然雖觀海何以効涓毫又  
謝靈運云溟漲無端倪  
**龜梁**楊師道云春山臨  
渤海征旅輟晨裝迴瞰盧龍塞斜瞻肅慎鄉洪  
波迴地軸孤嶼映雲光落日驚濤上浮天駭浪  
長仙臺隱螭駕水府汎鼉梁碣石朝煙滅之杲

歸鴈翔北巡非漢后東幸異秦皇

**讓**

唐太宗

云積流橫地紀躡派引天潢仙氣凝三嶺和風  
扇八荒拂潮雲布色穿浪日舒光照岸花分彩  
迷雲鴈斷行懷卑運深廣持蒲守靈長有形非  
易測無源詎可量

**水立**

杜甫云九天之雲下垂

四海之水皆立

**丹壑**

李嶠云習坎躡丹壑朝宗

合紫微三山巨鼇踊九萬大鵬飛樓寫青雲色  
珠含明月輝會因添霧露方逐衆川歸

江

**水德**

郭璞江賦云峇五林之並用嘉水德之靈

長

**南紀**

詩云滔滔江漢南國之紀**荆池**淮南子

云荆楚以江漢爲池

**楚望**

傳云江漢淮漳楚之

望也

**岷山**

尚書云岷山導江東別爲沱**沱公**釋

名云江公也諸水流入其中所公共也**獻貢**風

俗通云江貢也所出珍物可獻貢也

**絕漢**

淮南

子云江出岷山東流絕漢入海

**吐貝**

春秋運斗

樞云瑤光得則江吐大貝

**能大**

墨子云江河不

惡小之滿已也故能大是故江河之水非一源

之流 **井絡** 河圖括地象云岷山之地土爲井絡

乃江源也故郭璞云岷精滄耀於東井 **牛女** 春

秋元命苞云牛女爲江湖江湖者所以開神濶

化故其氣湍息 **二源** 山海經云岷東北百三十

里岷山江水出焉又東北五十里岷山江水出

焉而東流注于大江故郭璞云分二源於岷岷

流九派於潯陽 **有沱** 詩云江有沱江有沱 **三** 江

周官云揚州其川三江按三江漢書地理志注

岷江爲大江至九江爲中江至徐陵爲北江蓋

一源而三名又鄭玄孔安國注云左合漢爲北江會彭蠡爲南江岷江居其中則爲中江故書稱東爲中江者明岷江至彭蠡與南北合始得稱中也又山海經三江者大江中江北江也汶山郡有岷山大江所出峽山中江所出東注大江岷山北江所出東注大江其源皆在蜀也又韋昭云岷江松江浙江稱三江悉在吳又沈懷遠南越志云廣信江始安江鬱林江亦爲三江在越

**九江**

道書云九江孔殷又水經及荊州記

去江出岷山其源若魏口可以濫觴在益州建  
寧滿江縣潛行地底數里至楚都遂廣十里名  
爲南江初在犍爲與青衣水汝水合至洛縣與  
洛水合東北至巴郡與涪水漢水白水合東至  
長沙與澧水沅水湘水合至江夏與沔水合至  
潯陽分爲九道又潯陽記云九江一曰白烏江  
二蚌江三烏土江四嘉靡江五畎江六浮江七  
稟江八提江九菡江

**六川**

呂氏春秋六何謂六

川河水赤水遼水黑水江水淮水此六川也

**五**

**湖**張勃吳錄曰五湖者太湖之別名也周五百里又郭璞云注五湖而漫漭**江名**任豫益州記云郫江大江之支也亦曰涪江亦曰湔水在蜀與洛水合郫音邛又益州記云汶江源出王輪阪下又崔鴻云吐谷墊江源問魯和曰此水經營池而過晉壽山沱渠始號墊江至巴郡入大江又綠江記曰西江別支爲弱柳江又說文云江別流爲汜至會稽山陰爲浙江又顧野王云浙江發源東陽新安之間不與岷山之江相涉

至錢塘入于海又劉澄之揚州記吳縣有松江  
自吳入海今蘇州九長江有別名則有京江在  
南徐州禹貢所謂北江今潤州丹徒縣瓜步江  
今揚州六合縣界西南對潤州江寧縣即魏文  
帝及後魏太武帝所臨處烏江即項羽死處今  
和州烏江縣又枚乘云觀于廣陵之曲江曲江  
今揚州又始興郡有曲江今韶州又漢司馬相  
如云臨曲江之隄州此即長安也以其水曲折  
甚類廣陵之江今樂遊園九江帶郡縣因以爲

名則有丹徒江錢塘江會稽江山陰江上虞江  
廣陵江鬱林江廣信江始安江牂牁江成都江

**陽侯**

淮南子云陽國侯溺死爲水神能爲大波

**震澤**

孔安國云彭蠡江分爲三入震澤**奇相**廣

雅云江神謂之奇相又郭璞云奇相得道而宅

神**江使**

莊子云宋元君夜半夢人被髮而窺阿

門曰予爲清江使河伯之所漁者豫且得予元  
君覺使占之曰神龜也元君得而剝之以卜七  
十筮無遺策**出火**九國志云吳十二年冬十月

潘東塘之楊林江水出火可以燃物

**紫帶**

袁恭

宜都記云西陵南岸有山其峯孤秀人自南山

上至頂臨大江如紫帶視舟舡如鳧鴈

**鵲岸**

左

傳云昭公十六年冬楚子伐吳吳人敗之於鵲

岸西京記曰今居巢江南水有鵲尾渚者是也

**怒濤**

論衡云伍子胥恨吳王怒氣驅水爲濤今

會稽錢塘丹徒江上皆立子胥祠欲止濤也

**龍**

**預**

呂氏春秋云禹南省方濟江黃龍負舟舟中

人皆失色禹仰天嘆曰吾受命於天竭力養民

死命也何憂於龍龍俛耳逃**叱鼃**紀年六月穆

王東至九江叱鼃鼃爲梁**濫觴**孫卿子云子路

盛服見孔子孔子曰由是擔擔者何也昔江出

於汶山其始源可以濫觴及其至江之津也不

方舟不避風不可涉也**萍實**家語云楚昭王渡

江有物如斗圓而赤觸王舟舟人取獻王不識

使人魯問孔子孔子曰此萍實也霸者之祥可

剖食之**辭劍**吳越春秋云伍胥奔吳追者在後

至江有漁父乘舸知伍胥之急乃渡胥胥辭劍

謝之父曰楚法得胥者爵執珪豈徒百金劔耶  
不受至中流鑿舟自沉**漸臺**列女傳云楚昭王  
出遊留夫人貞姜漸臺江水大至遣使者逃夫  
人忘持符夫人曰王與宮人約召必以符今使  
者不持符妾不敢行於是使者返取符水還臺  
已壞沉水死**補遺**史云秦始皇南遊浮江至湘  
山祠逢大風幾不得渡問博士湘君何神對曰  
堯女舜妃葬此始皇大怒使刑徒三千人伐湘  
山樹楮其山**斫水**謝承後漢書云吳郡王閔渡

錢塘江遭風掀欲覆閔拔劍斫水罵伍胥浪遂  
息**天限**吳錄云孫權黃武四年魏文帝臨江觀  
兵有渡江之志見波濤洶涌歎曰固天所以限  
南北也遂歸**囊塞**吳志云步騭表曰魏人圖東  
向多作布囊欲盛沙塞江縣孫權曰此江與閩  
關俱生寧可塞以沙囊若不如孤言當以牛千  
頭爲君作主人也乃下詔曰步騭說北人欲以  
布囊盛土塞江每讀此表令人失笑**化龍**晉書  
云元帝時童謠曰五馬爭渡江一馬化爲龍**擊**

**楫**

晉書云祖逖爲奮威將軍及渡江中流擊楫

而誓曰不清中原而復濟者有如大江

**燃犀**

晉

書曰溫嶠至牛渚磯傳言水深不可測乃燃犀  
角照之須臾見水族竒怪或乘車馬至夜夢人  
謂曰與君幽明道隔何苦相照嶠甚惡之未幾  
而卒

**羽畫**

晉書云吳猛愛邑人丁義神方還豫  
章江水甚急猛不假舟楫以白羽扇畫水而渡

**拔鞞**

拔鞞絳晉書云符堅北定九州將大舉南

伐符融等咸諫止之不聽曰吾百萬之衆拔鞞

可以濟江至淝水爲謝玄等所敗。**陳載**晉書云  
太康元年二月王浚唐彬擊破丹陽吳人於江  
磧要害處並以鐵鎖橫截之又作鐵鉏長丈餘  
暗置江中以逆拒舟艘。**楓落**崔信明傳云鄭世  
翼遇信明江中謂曰聞公詩有楓落吳江冷之  
句願見其餘信明欣然出衆篇示之世翼覽未  
終曰所見不逮所聞投諸水引舟去。**沉書**三十  
國春秋云光祿殷羨之還豫章貴遊多憑其寓  
書羨之至板橋投書於江曰沉者自沉浮者自

浮游冀州二百餘年後入碣水中乘赤鯉魚出

**控鯉**

列仙傳云琴高

留一月復入水去

**涌泉**

列女傳云廣漢姜詩妻

事姑孝姑好飲江水家去江七里姜常鸚鳴泝

流而沒值風雪不時得水詩責遣之妻往鄰家

紡績以市珍味使鄰母遺姑詩聞追還舍側忽

有涌泉出味如江水

**捐珖**

楚辭云捐余珖兮江

中遺余珮兮澧浦

**如練**

謝玄暉云餘霞散成綺

澄江靜如練

**鬻素**

謝朓云雲沉四岫風蕩中川

馳波鬱素駭浪浮天

**泓量**

郭璞云極泓量而

運狀滔天以

**險界**

郭景純云作限於萃裔壯

天地之險界呼吸萬里吐納靈潮自然徃復或  
夕或朝激逸勢以前駮乃鼓怒而作濤

**龍吟**

庚

信云春江下白帝畫舸向黃牛錦纜迴沙磧蘭

橈避荻洲濕花隨水汎空巢逐樹流 日落江

風靜龍吟回上游

**餘興**

隋煬帝云夏潭蔭修竹

高岸生長楓日落滄江靜雲散遠山空鷺飛雲

外白蓮開水上紅道遙有餘興悵望情不終

**斷**

**挽**薛道衡云仗節遵嚴會揚舲沂急流征塗非

白馬水勢頽黃牛跳波鳴石蹟濺沫擁沙洲岸

迴槎倒轉灘長舡却浮綠涯頻斷挽挂壁晏移

鈎還憶青絲騎東方來上頭**平智**薛道衡云性

包平智德植靈長上膺東井下紀南國引雙流

而分九派長四瀆而納百川**沸雷**蘇味道江路

一悠哉涓涓九派來遠潭昏似霧前浦沸成雷

風搖蜀棟下日照楚萍開近嗽湓城曲斜吹蠡

澤隈鋤龜猶入貢浮獸罷爲災津吏揮橈疾郵

僮整傳催歸心詎可問爲視落潮迴**銀屋**李白  
云江中白浪如銀屋**白帝**庾信云春江下白帝  
盡舸向黃牛**羅帶**韓昌黎云江作青羅帶  
河

**水流**

釋名云河下也隨地下處而通流也**水伯**

援神契云河者水之伯上應天漢**河宗**穆天子

傳云河與江淮濟三水爲四瀆河曰河宗四瀆

之所宗也**三河**周禮云河南曰豫州其川滎洛

河東曰兖州其川河濟河內曰冀州其川漳**砥**

**柱**水經云砥柱山禹鑿之以通河河水分流包

山而過山見水中若柱然故曰砥柱**東注**隋地

理志云大河之流波濶東注**禹功**呂氏春秋云

古龍門未開呂梁未發河出孟門太溢逆流名

曰洪水禹乃決流疏河所活千八百國此禹之

功也**九折**淮南子云河水九折注海而流不絕

者有崑崙之輸也**能遠**淮南子云河以逶蛇故

能遠**千里**王制云自常山至於南河千里而近

自東河至於東海千里而遙自東河至於西河

千里而近自西河至於流沙千里而遙河源水  
經注及山海經注云河源出崑崙之墟又止海  
經云崑崙山縱廣萬里高萬一千里去嵩山五  
萬里有清河白河赤河黑河環其墟其白水出  
其東北陬屈向東南流爲中國河河百里一小  
曲千里一大曲發源及入中國大率常然東流  
潛行地下至規期山北流分爲兩源一出葱嶺  
一出于闐其河復合東注昌蒲海復潛行地下  
南出積石山西南流又東迴入塞過墩煌酒泉

張掖郡南與洮河合過安定北地郡北流過朔  
方郡西又南流過五原郡南又東流過雲中西  
河郡東又南流過上都河東郡西而出龍門汾  
水從東於此入河河東即龍門所在至華陰潼  
關與渭水合又東迴過砥柱砥柱山名河水分  
流包山而過山見水中若柱然今陝州東河北  
陝縣三縣界及洛陽至鞏縣與洛水合成臯與  
濟水合又東北流過武德與沁水合至黎陽信  
都鉅鹿之北遂分爲九河又合爲一河南入海

故尚書稱導河積石至于龍門南至于華陰東  
至于砥柱東至于孟津東過洛汭至于大伾北  
過絳水至于大陸又北播爲九河同爲逆河入  
于海是也初禹自黎陽東北界分河爲二渠以  
引水一南出會隰川今河所流也一出具丘即  
九河之上河王莽時廢塞故俗謂之王莽河史  
記河渠溝洫志並云河之爲災害中國尤甚禹  
導河自積石歷龍門又䟽二渠以引河如淳注  
二渠一出具丘一則隰川王莽時河遂塞但用

隰耳隋煬帝於衛縣因淇水之入河立淇門以  
通河東北行得禹九河之故道隋人謂之御河  
**洋洋**詩云河水洋洋北水活活蕭杭詩云誰河  
廣一蒂杭之誰謂宋遠跋子望之德冰史記云  
秦滅六國自以獲水德之瑞更名河曰德水

**門**山海經云積石之山其下有石門河水冒以  
西南流龍門慎子云河下龍門沅馱竹箭駟馬  
追不可及出圖漢五行志云河出圖伏羲氏受  
河圖則而畫之八卦九峻淮南子云禹爲民剔

河而導九岐

**俟清**

左傳云周詩有之曰俟河之

清人壽幾何

**捧土**

朱浮云柰何以區區漁陽而

結怨于天子此猶河濱之人捧土塞孟津多見

其不知量也

**轉石**

謝承後漢書云安帝時尚書

陳龜上表曰仁恩廣被化流殊方使老者以壽

終孤幼得保年猶臨河轉石易於反掌

**聖生**

王

子年拾遺記云丹丘千年一燒黃河千年一清

皆至聖之君以爲瑞又曰黃河清而聖人生又

京房易傳云河水清天下平

**嘉應**

乾鑿度云天

降嘉應河水先清三日清變爲白白變爲赤赤  
變爲玄玄變爲黃各三日**榮光**尚書中候云榮  
光出河休氣四塞注休美也榮光五色**土膠**抱  
朴子云寸膠不能理黃河之濁尺水不能邦蕭  
立之火**撮壤**抱朴子云撮壤不能填決河升水  
不能冷原火**憂涸**文子云以數集之壽憂天下  
之亂河水之憂涸泣而益之注集年也**厲飲**莊  
子云偃鼠飲河不過滿腹**乘陽**漢裴楷傳云楷  
上書秦春秋以來自古帝王未有河清者也河

者諸侯 位清者屬陽濁者屬陰河當濁而反

清者陰欲爲陽諸侯爲帝也 **夏救** 淮南子云

河水中濁而宜救雝水輕利而宜禾 **隋堤** 隋地

理志云煬帝自板渚引河達於淮海謂之御河

河畔築御堤以植柳 **西器** 帝王本記云舜陶河

濱作什器河濱器皆不苦磁 **魚人** 水經注云禹

理水觀於河見白面二人魚身山曰吾河精也

授禹河圖而還於淵 **綠字** 曹地理志云大禹觀

於濁河而受綠字 **魚躍** 帝王本記云武王渡河

中流白魚躍入于王舟中**新臺**毛詩云新臺刺

衛宣公也公納子伋之妻爲新臺于河上而要

之國人惡之而作是詩**沉珪**穆天子傳云王子

朝以成周之寶珪沉于河津人得之河上自浮

出水將賣之則爲石**投壁**左傳云晉文公入及

河子犯以壁投公子曰臣之罪甚多請由此亡

公子曰所不與舅氏同心者有如白水投其壁

于河**不濟**家語云孔子之晉及河聞趙簡子殺

寶鳴犢及舜華乃臨河而嘆曰美哉洋洋乎丘

之不濟此命也子貢趨進曰敢問何謂子曰甯  
鳴犢舜華賢大夫也而殺之丘聞之剖胎殺夭  
則麒麟不至其郊竭澤取魚則蛟龍不處其淵  
覆巢破卵則鳳凰不翔其邑何則君子諱傷其  
類遂選**哭祠**教梁傳云梁山崩壅河三日不通  
晉君召伯尊伯尊遇輦者問焉輦者曰君親素  
縞帥群臣祠之既而哭焉伯尊至君問之伯尊  
如其言而河流矣**汎舟**左傳云晉荐饑乞糴于  
秦秦輸粟于晉自雍及絳相繼命之曰汎舟之

後也

**弗祭**

左傳云楚昭王有疾卜河爲祟大夫

請祭王曰江漢沮漳楚之望也河非所獲罪遂

弗祭

**負土**

孝子傳云三州人者皆孤單單獨相

約爲父子老者因命二人於大澤中作舍且歆

成父曰此不如河河中二人復填河二句不立

有一書生過之爲縛兩土肥投河中明日望見

河中土高丈餘

**灌嶺**

前漢書溝洫志云武帝時

齊人延年上書言河出崑崙經中國注渤海是

其地勢西北高而東南下也可准高下開大河

上嶺出之胡中東注之海如此開東長無水災  
北邊不憂匈奴此功一成萬歲大利上壯之報  
曰延年計議甚深然河迺大禹所道也聖人作  
事通於神明恐難改更註上嶺山頭也**坂**水  
經註云昔澹臺子羽齎千金之璧渡河陽侯波  
起兩蛟挾舟子羽曰吾可以義求不可以威劫  
操劍斬蛟蛟死波休乃投璧於河三投而輒躍  
出乃毀壁而去示無怙意**河平**漢書云成帝時  
河決潰金隄九灌四郡河隄使者王延世塞以

竹落長四丈大九圍盛以小石兩船夾載而下  
之三十六日河隄成改元爲河平

**魚舞**

漢宣帝

本紀云神爵元年詔東濟大河天氣清靜神魚

舞河

**沉河**

韓詩外傳云申徒狄非其世將自投

於河崔嘉聞而止之曰聖仁之人民之父母也

今爲濡足不救溺人可乎申徒曰昔桀殺龍逢

紂殺比干而天下叛吳殺子胥陳殺泄冶而滅

其國非無聖智不用故也遂負石而沉於河

**瓠**

**子**史河渠書云武帝元光中河決於瓠子天子

使汲黯鄭當時塞之輒復壞田蚡爲丞相其奉  
邑食郁郁居河北而南則郁郁無水蚡言於上曰  
江河之決皆天事未易以人力塞於是天子久  
之不事復塞又云自河決瓠子後二十餘歲夫  
子乃使汲仁郭昌發卒塞瓠子決天子自臨決  
河沉白馬玉壁河令群臣自將軍已下皆負薪  
塞決河天子悼之不成迺作歌曰瓠子決兮將  
柰河皓皓盱盱兮閭殫爲河爲我謂河伯兮何  
不仁宣房塞兮萬福來卒塞瓠子築宮其上名

曰宣房宮**箜篌**古樂府云箜篌引者朝先津卒

霍里子高妻麗王所作也高晨起刺舡河中有

白首狂夫被髮提壺亂河流而渡其妻隨而止

之不及遂墮河水死於是援箜篌而鼓之作公

無渡河之曲莽甚悽愴曲終自投河死霍里子

高還以其聲語其妻麗王麗王傷之乃引箜篌

而寫其聲聞者莫不墮淚飲泣焉麗王以其曲

傳隣女麗容名箜篌引**箜原**張騫傳云騫使大

夏窮河源惡祝所謂崑崙**三策**漢書云哀帝時

賈復奏言治河有上中下三策若徒其當水衝  
之人以避之放河使北入海泛濫晷月日定不  
勞人力此功以立河定人安千載無患謂之上  
策若多穿漕渠使人得以溉田雖非聖人法然  
亦救敗術也今據堅地作石隄東西水門但用  
木與土耳旱則開東方水門以溉田水則開西  
方高門以分河此誠富國安人興利除害謂之  
中策苟繕完故隄增卑陪薄勞費無已數逢此  
害最下策也

**栢舟**

詩云汎彼栢舟在彼中河如

**帶**

漢書云黃河如帶

**開奧**

左太冲云河洛開奧

符命用出

**神丘**

應瑒云咨靈川之遐源兮于崑

崙之神丘靈增城之陰隅兮賴后土之潜流行  
積石之重險兮披山麓之溢浮蹶龍黃而南邁  
兮紆鴻體而因流涉津洛之阪泉兮播九道乎  
中州汾傾涌而騰驚兮恒壘壘而徂征肇乘高  
節迅逝兮陽侯怖而振驚 **鴻流** 劉孝孫云清晨  
發嚴邑駟馬走輾轅迴瞰黃河上恟怳屢飛魂  
鴻流導積石驚浪下龍門仙槎不辨處沉璧想

猶存遠近洲渚出颯沓鳧鴈喧懷古空延佇歎  
逝將何言**歌絕**陳張正見詠公無渡河云金堤  
分錦纜白馬渡蓮舟風嚴歌響絕浪涌榜人愁  
摧折桃花水颿橫竹箭流何言沉璧處千載遇  
陽侯**誕淵**宋張暢云渾渾洪河家國之濱襟帶  
晉衛領袖齊秦龍門誕淵積石傳津**天柱**郭璞  
云崑崙三層號曰天柱實惟河源水之靈府**葱**  
**山**江總云葱山淪外域塩澤隱遐方兩源分際  
遠九道派流長導波縈地節䟽氣耿天潢憫周

沉用寶嘉晉肇爲梁

**駁出**

薛道衡云連旌映淑

浦疊鼓沸沙洲桃花長新浪竹箭下奔流塞雲  
臨運艦胡風入陣樓劔拔蛟將出驂驚龜欲浮  
爲書終立効鸞相果封侯勿恨關河遠且寬邊  
地愁黃流韓愈云過潼關而坐息窺黃流之奔  
猛天淵柳宗元云其河則潛崑崙入于天淵馬  
**頽**李嶠云源出崑崙中長波接漢空桃花來馬  
頽竹箭入龍宮流水千年變榮光五色通若披  
蘭葉檢還沐上皇風

淮

**圍統**

釋名云淮圍也圍統揚州北界東至海也

**青川**

周官云青州其川淮泗**真府**焦貢易林云

江河淮海天之與府穀利所聚可以饒有江河

淮海天之都市

**淮源**

書云導淮自桐栢又水經

注及山海經云淮水出南陽平氏縣桐栢山其

源初則涌出復潛流三十里然後長驚東北經

大復山從義陽郡北東過江夏平春縣北又東

過新息縣南期思縣北至厚鹿縣南與汝水合

又東過廬江安豐縣與決水合東北至九江壽  
春縣東與潁水合壽春縣北與淝水合又東至  
當塗縣北與渦水合東北至下邳淮陰縣與泗  
水合東至廣陵淮浦縣而入海也又酈元注水  
經云平阿縣有當塗山淮出於荆山之左當塗  
之右奔二山之間而揚濤北注也又郭璞云淮  
水出義陽平氏縣桐栢山東北經汝南淮南譙  
國沛國下邳由淮陰縣入海**封爵**五代史云揚  
濤二年正月封淮瀆長源王**其又**書云淮沂其

又孔安國注曰二水已治又臧榮緒晉書曰永  
嘉三月淮濮水竭**房**安權德輿云江淮田一善  
熟則旁資數道故天下大計仰東南**雒化**李頤  
云蛻虹潛太陰文雒化淮汜**蠙珠**尚書云禹貢  
云泗濱浮磬淮夷蠙珠暨魚孔安國注曰淮夷  
二水出蠙珠及美魚**秦淮**孫盛晉陽秋云秦始  
皇東遊望氣者云五百年後金陵有天子氣於  
是始皇於方山掘流西入江亦曰淮今在潤州  
江寧縣土俗亦號曰秦淮**潛鼎**楚辭云潛周鼎

於江淮考爨王蓄於中宇王逸注曰言藏九鼎

於江淮之中**河災**漢書云山東被河災天子憐

之令飢民得食江淮間**汴閘**唐五行志云中和

三年汴水入于淮水閘壞船**雪渡**唐史云裴度

雪夜渡淮擒吳元濟**唐興**唐書張巡傳云唐全

得江淮以濟中興**淼淼**隋場帝云平淮旣淼淼

曉霧復霏霏淮甸未分色泱泱共晨暉清霞轉

孤嶼錦帆出長圻潮魚時躍浪沙禽鳴欲飛會

待高秋晚愁因逝水歸**檣林**王粲云從天師以

南征浮淮水而遐逝昔渦浦之曲流望馬丘之  
高澁泛洪檣於中潮飛輕舟於濱濟建衆禘以  
成林譬無山之樹藝**化產**杜荃卿云昔魏文帝  
有浮淮賦止陳將卒赫怒至於燕包化產略無  
所載齊天統初以教府詞曹出除廣州長史經  
淮陽赴鎮頻經利涉壯其淮沸浩蕩且注巨海  
南通曲江水惟神物于何不有遂撰聞見追而  
賦之曰美大川之爲德諒在物而非假決出平  
氏之鄉濫流桐栢之下始經營於赤位終散濕

於炎野

**澄天**

諸葛頽云涉頽倦紆迴浮淮欣迥

直遙村含水氣遠浦澄天色靈濤稍欲近仙嵩  
行可識玄覽屬辭風雲有餘力

**含日**

弘執恭

云睿情欣逸賞臨泛入淮泚棹聲喧岸席颿影  
出雲飛清流含日彩犇浪蕩霞暉還如漳水曲  
鳴笳啓路歸

**霜吹**

虞世南云良晨喜利涉解纜

入淮潏寒流泛鷁首霜吹響哀吟潛鱗波裏暝  
水鳥浪前沉

濟

**濟河**

釋名云濟濟也言源出河北濟河而南也

**齊量**

風俗通云濟濟也齊其量**交川**周官云交

州其川河濟**重源**鄭道元云濟水重源出河內

縣西北平地水有二源所發因復謂之濟源合

西源出原城西東流注城南東合北水**濟原**書

云導沆水東流爲濟入于河溢爲滎水經註及

山海經云濟水出河東垣縣王屋山初名沆水

又風俗通濟水出常山山房子縣黃皇山此又

別是一水耳應氏以爲流入河南之濟者非也

東出溫縣西北始名濟水又孔安國註云泉源  
爲沆流去爲濟在溫西北平地又東南流當鞏  
縣之北而南入河與河並流過成臯成臯今汜  
水縣晉書地道志曰濟自大伾入河與河水關  
大伾成臯古成臯蕪包鞏縣之界溢出爲滎水  
東流過陽武及封丘縣北又東過寃句縣南至  
定陶縣南又東北流與荷水會東至乘氏縣西  
分而爲二其一東北流入鉅野澤過壽張西與  
汶水合又北過穀城縣西又東北過盧縣北經

齊郡東萊郡而入海也尚書稱導沅水東流爲  
濟入于河溢爲滎東出於陶丘北**注海**淮南子  
云江出岷山河出崑崙濟出王屋潁出少室漢  
出嶧冢分流外馳注于東海所行則異所歸則  
一**獨尊**許敬宗云瀆言獨也不因餘水獨能赴  
海也且天有五星運而爲四時地有五嶽流而  
爲四瀆人有五事用而爲四支五陽數也四陰  
數也有奇偶陰陽焉濟水潛流夔絕狀雖細爲  
獨而尊也**閩水**戴延之西征記云濟水自大壩

入河與河水圍而東流**宜麥**淮南子云濟水宜

麥**鸛鶴**周官云鸛鶴不踰濟**車僨**左傳云鄭伯

之車僨于濟**吳溝**吳越春秋云吳王夫差與兵

伐齊掘爲深溝通於商魯之間北屬之濟**潰問**

于其云濟爲潰問今盡濟水之力載數石之舟

廣不能橫深不能浮而曰與河同靈等秩吾不

知先王班祀之意也**爲橋**五代史云梁臣龐師

古梁兵攻邾州臨濟水師古撤木爲橋夜以中

軍先濟朱宣走中都**谷桐**曹祖云沆源道濟引

流通滄冥倂四體作潤岱垠  
**戈壓**蕭楚才云拂  
漢星旗轉分霄日羽明將追會阜跡更勒岱宗  
名林戈壓濟岸鞞鼓震河庭葉箭凌寒矯烏弓  
望曉驚已降汾水作仍深述渭情